

**SOALAN-SOALAN LISAN  
MESYUARAT PERTAMA TAHUN KEDUA  
DEWAN NEGERI YANG KELIMA BELAS  
PERAK DARUL RIDZUAN**

**PADA HARI KHAMIS, 29 FEBRUARI 2024**

---

**1. YB ENCIK MOHAMAD FAKHRUDDIN BIN ABDUL AZIZ ( KAMUNTING )**

Lata Bukit Jana sebagai salah satu kawasan rekreasi di Kamunting.

1. Apakah kerja yang sudah di lakukan oleh pihak kerajaan sekarang untuk menjaga kebersihan di Lata ini?
2. Adakah pihak kerajaan berhasrat membangunkan kawasan ini sebagai salah satu eko pelancongan di Kamunting?

**2. YB ENCIK MOHD HAFEZ BIN SABRI ( MANJOI )**

Aktiviti Perniagaan di Bandar Meru Raya

- a) Adakah Kerajaan merancang bagi mewujudkan konsep "Ipoh Night Market" di Bandar Meru Raya memandangkan penduduk yang semakin pesat?
- b) Adakah Kerajaan merancang untuk menyediakan tapak perniagaan untuk dibangunkan oleh usahawan bagi menghidupkan "Ipoh Night Market" di Bandar Meru Raya?
- c) Apakah status terkini cadangan ruang tapak perniagaan berpusat kepada penjaja-penjaja di sekitar Bandar Meru Raya?

**3. YB DR ABDUL AZIZ BIN BARI ( TEBING TINGGI )**

Pembinaan Universiti Geely Di Perak.

Adakah kerajaan negeri mempunyai program kerjasama dengan pihak Geely selain menyediakan tapak di Tanjung Malim seperti mengadakan 'apprenticeship' program kepada penuntut penuntut TVET dan bidang bidang lain yang berkaitan?

**4. YB ENCIK MUHAMMAD FAISAL BIN ABDUL RAHMAN ( TRONG )**

Terdapat kelemahan talian internet di Kg Permatang Raja dan Batu Hampar Dun Trong menyebabkan kesukaran bagi kerja-kerja penduduk yang memerlukan talian internet. Apakah usaha kerajaan bagi menangani masalah ini?

**5. YB PUAN WONG CHAI YI ( SIMPANG PULAI)**

Perlombongan Lantanid secara haram

- a) Berapakah kes perlombongan Lantanid secara haram di negeri Perak telah berlaku dan berapakah kerugian untuk perlombongan secara haram?
- b) Apakah usaha kerajaan untuk mengatasi kecurian Lantanid?

**6. YB ENCIK MOHAMAD AMIN BIN ROSLAN ( PENGKALAN HULU)**

Peruntukan bagi kerja pembaikan serta penambahbaikan jalan dan lampu jalan di DUN Pengkalan Hulu.

- a) Masih ada jalan utama di Daerah Hulu Perak khususnya di DUN Pengkalan Hulu seperti Jalan FT 076 Sempadan Baling, Kedah ke Pengkalan Hulu dan ke Gerik serta Jalan FT 077 Pengkalan Hulu - Sempadan Thailand belum dibuat penambahbaikan dan diturap semula. Apakah perancangan pihak kerajaan negeri Perak melalui JKR negeri bagi memastikan keadaan ini dapat diatasi dengan segera?
- b) Bagaimanakah pihak kerajaan negeri mengatur peruntukan bagi tujuan pembaikan dan penambahbaikan jalan dan lampu jalan di dalam DUN Pengkalan Hulu yang dilihat masih tidak dapat diselesaikan secara berterusan?

**7. YB DATO' ZAINOL FADZI BIN PAHARUDIN ( SUNGAI MANIK )**

Apakah perancangan Kerajaan Negeri Perak bagi industri Kopi di Negeri Perak dapat dilestarikan kerana umumnya hari ini kedai-kedai kopi tumbuh seperti cendawan di Negeri dapat diselaraskan dalam Tahun Melawat Perak 2024?

**8. YB ENCIK MUHAMMAD ZULFADLI BIN ZAINAL ( SLIM )**

Apakah inisiatif pihak kerajaan untuk membantu para peladang/pengusaha kecil bagi menambah jumlah pendapatan mereka di kawasan Slim?

Soalan tambahan

Bagaimanakah kaedah permohonan yang perlu dilakukan oleh para peniaga bagi memohon bantuan perniagaan?

Apakah indikator petani atau penternak yang layak menerima geran?

**9. YB PUAN WONG CHAI YI ( SIMPANG PULAI )**

Aplikasi Park@Perak

- (a) Minta kerajaan negeri nyatakan jumlah pengguna bagi tahun 2021, 2022 dan 2023?

- (b) Berapakah kos yang dikeluarkan kerajaan untuk membina dan menyelenggara aplikasi ini?
- (c) Apakah penambahbaikan yang dilakukan untuk menggalakkan lebih ramai pengguna aplikasi ini?

**10. YB PUAN THULSI THIVANI A/P MANOGARAN ( BUNTONG )**

Tabiat penggunaan rokok elektronik atau lebih dikenali sebagai “vaping” dalam kalangan belia kita semakin meningkat.

- i. Apakah pelan kerajaan negeri untuk membendung tabiat ini daripada berleluasa dan adakah terdapat usaha merentasi agensi dan jabatan untuk menangani isu ini pada dasarnya?
- ii. Adakah juga terdapat sebarang pelan atau inisiatif daripada kerajaan negeri untuk menghentikan ataupun menghadkan akses kepada alat rokok elektronik kepada belia-belia kita?

**11. YB ENCIK AZIZI BIN MOHAMED RIDZUWAN ( LUBOK MERBAU )**

Apakah usaha pihak kerajaan Negeri Perak dalam memperkasakan institusi fatwa Negeri Perak?

Antara yang boleh diambil contoh adalah institusi fatwa di Wilayah Persekutuan yang sangat laju dan responsif terhadap isu semasa.

**12. YB ENCIK JASON NG THIEN YEONG ( ASTAKA )**

Insentif Dasar Tenaga Boleh Diperbaharui (‘Renewable Energy’)

- 1. Apakah usaha Kerajaan Negeri dalam menggalakkan pemain industri dan pengguna isi rumah untuk beralih kepada menggunakan tenaga boleh diperbaharui?
- 2. Berapakah ‘ladang solar’ (‘solar farm’) yang sedia ada di negeri Perak?
- 3. Adakah Kerajaan Negeri mempunyai garis panduan dan/atau dasar insentif yang sedia ada dalam menggalakkan pembinaan ‘ladang solar’ (‘solar farm’) di negeri Perak, contohnya dari segi pengecualian bayaran Kebenaran Merancang, cukai pintu dan sebagainya?

**13. YB ENCIK ISHSAM BIN SHAHRUDDIN ( AYER KUNING )**

ISU BERKAITAN KEKURANGAN BEKALAN BAHAN ASAS SEPERTI GULA, BERAS DAN MINYAK YANG MEMBERI KERISAUAN KEPADA MASYARAKAT SETEMPAT DILUAR BANDAR KHUSUSNYA DALAM DUN AYER KUNING.

- 1. APAKAH KEKERAPAN PEMANTAUAN KEPADA KEKURANGAN BAHAN ASAS DILAKSANAKAN OLEH JABATAN BERKAITAN BAGI MEMASTIKAN BAHAN ASAS DAPAT DINIKMATI OLEH MASYARAKAT SETEMPAT KHUSUSNYA MASYARAKAT LUAR BANDAR AYER KUNING?

2. ADAKAH BAHAN ASAS MAKANAN SEPERTI GULA BERAS DAN MINYAK MENCUKUPI UNTUK MENAMPUNG PERMINTAAN DI DAERAH BATANG PADANG TERUTAMANYA KEPADA MASYARAKAT AYER KUNING BAGI BERDEPAN MUSIM PERAYAAN YANG AKAN DATANG?

3. SELAIN KEBERKESANAN KEDAI BERGERAK YAYASAN BINA UPAYA, ADAKAH KERAJAAN NEGERI PERAK MEMPUNYAI PERANCANGAN UNTUK MEMBAWA JUALAN RAHMAH BERGERAK KE KAWASAN LUAR BANDAR KHUSUSNYA DI DAERAH BATANG UNTUK MASYARAKAT MENIKMATI BAHAN ASAS PADA HARGA YANG LEBIH MURAH

#### **14. YB ENCIK CHEAH POU HIAN ( JELAPANG )**

1. Pembangunan dan penggunaan tanah untuk tujuan perumahan, perindustrian dan pertanian dalam kawasan Jelapang, terutamanya di kaki Bukit Kledang Saiong, semakin meningkat dari masa ke semasa. Beberapa penggunaan tanah secara haram malah telah merosakkan alam sekitar; Antaranya, pertanian di sekeliling bukit Papan Lama semakin meningkat. Apabila hujan lebat, air berlumpur dari pergunungan menyerbu ke Kampung Baru Papan Lama menyebabkan jalan raya dipenuhi air berlumpur. Lebih-lebih lagi, banjir kilat menyebabkan orang ramai menghadapi kerugian harta benda. Oleh yang demikian, persoalan saya ialah:-

a) Adakah bahagian penguatkuasa Jabatan Alam Sekitar melaksanakan Seksyen 34A Akta Kualiti Alam Sekeliling 1974 dengan tegas dalam memantau dan memeriksa semua pembangunan tersebut?

b) Apakah kekerapan tindakan penguatkuasaan dan telah berapa kalikah operasi penangkapan dilancarkan setakat ini sejak Julai 2018?

#### **15. YB CIK JENNY CHOY TSI JEN ( CANNING )**

Pelancongan di Negeri Perak

i) Adakah pengangkutan awam yang disediakan mencukupi untuk para pelancong dan pengguna di Perak sempena Tahun Melawat Perak 2024 yang sedang berlangsung tahun ini?

ii) Agensi manakah yang bertanggungjawab membuat kaji selidik pusat pelancongan baru?

iii) Adakah Kerajaan Negeri mengenalpasti beberapa lokasi berpotensi sebagai pusat pelancongan di bawah kawasan DUN Canning? Jika ada sila senaraikan

#### **16. YB ENCIK SALLEHUDDIN BIN ABDULLAH ( SELINSING )**

Projek Hospital Parit Buntar sepatutnya siap pada tahun 2020, namun sehingga kini projek ini telah beberapa kali lewat dan diberi "extention of time" (EOT). Persoalannya, berapa lama lagikah masa tambahan yang diperlukan dan apakah "recovery plan" yang telah dilaksanakan bagi memastikan pelaksanaan projek ini dapat disiapkan mengikut jadual dan kontrak serta seterusnya dapat memberi manfaat kepada rakyat?

### **17. YB ENCIK BERHANUDIN BIN AHMAD ( MANONG )**

Projek tenaga solar merupakan alternatif Tenaga Boleh Baharu (TBB) yang sangat berpotensi untuk dibangunkan. Projek ladang solar yang menggunakan kawasan tanah yang luas dilihat boleh mengurangkan kawasan tanah untuk projek pertanian. Kaedah yang terbaik untuk projek solar adalah 'roof top solar' dan 'floating solar'.

a) Apakah perancangan kerajaan untuk membangunkan projek 'roof top solar' dan 'floating solar'?

b) Bagaimana rakyat atau komuniti boleh terlibat dan diberi peluang untuk menjana elektrik solar sendiri dan menjualkannya kepada TNB sebagai pendapatan tambahan?

### **18. YB ENCIK MOHD AKMAL BIN KAMARUDIN ( SELAMA )**

Sebelum ini ada terdapat peruntukan melalui penghulu berkaitan lampu jalan di setiap kampung.

Apakah status peruntukan ini, masih diteruskan atau tidak? Adakah peruntukan ini disalurkan kepada pihak penghulu dengan bantuan JPJK?

### **19. YB DATO' ABDUL YUNUS BIN JAMAHRI ( KUALA KURAU )**

Apakah status kelulusan projek pengambilan pasir di Sungai Tanjung Piandang Daerah Kerian oleh Syarikat Bumi Rezeki (M) Sdn Bhd dan apakah kesannya kepada nelayan tempatan sekiranya projek tersebut tetap dilaksanakan?

### **20. YB DATO' ZAINOL FADZI BIN PAHARUDIN ( SUNGAI MANIK )**

Adakah terdapat terdapat sebab khusus mengapa peruntukan bajet kesihatan Perak untuk tahun 2024 terlihat rendah?

a. Apakah langkah-langkah yang akan diambil untuk memperbaiki masalah seperti klinik-klinik dengan kemudahan yang daif, termasuk aircond yang rosak dan perabot yang usang?

b. Bagaimana kerajaan negeri Perak merancang untuk meningkatkan kualiti perkhidmatan kesihatan awam dengan sumber kewangan yang terhad?

### **21. YB ENCIK JASON NG THIEN YEONG ( ASTAKA )**

Jalan Berbahaya di Pekan Gurney

1. Jalan Besar Pekan Gurney (A125) merupakan laluan utama kepada penduduk-penduduk kampung dan sejak pembangunan Bandar Baru Setia Awan Perdana, lebih ramai pengguna yang menggunakan Jalan Besar tersebut pada setiap pagi dan sesetengah pengguna jalan tersebut yang memandu laju menyebabkan kerisauan penduduk-penduduk kampung.

Apakah langkah-langkah JKR untuk menjamin keselamatan penduduk-penduduk di sana?

2. Simpang Jalan Besar Pekan Gurney (A125) ke Taman Pekan Gurney Jaya adalah tidak lurus dan keadaan yang gelap di sana serta parit semula jadi yang ada sering menjadi sebab berlakunya kemalangan jalan raya di simpang tersebut. Apakah usaha Kerajaan untuk menyelesaikan masalah ini?

3. Garisan jalan di atas Jalan Besar Pekan Gurney telahpun tidak jelas dan keadaan jalan semakin teruk. Selain itu, bahu jalan besar tersebut turut berlubang-lubang dan menyebabkan bahaya kepada penunggang motosikal. Apakah perancangan JKR untuk menaik taraf jalan ini?

## **22. YB ENCIK TIW TEE SIANG ( TRONOH )**

Apakah pelan tindakan negeri bagi mengawal ternakan seperti lembu & kerbau yang berkeliaran di kawasan perumahan?

## **23. YB ENCIK ONG BOON PIOW (BERCHAM)**

Tentang tahun melawat Perak 2024.

i. Sila nyatakan wang yang telah dibelanjakan atas promosi laman web termasuk laman web rasmi), media cetak dan media social?

ii. Sila jelaskan berapakah usaha keluar ke negara untuk menarik pelancong ke Perak?

iii. Sila jelaskan apakah usaha pihak kerajaan Negeri untuk menarik lebih penganjur untuk membawa artis terkemuka luar negara yang berunsur baik bagi merencanakan industri pelancongan negeri?

## **24. YB ENCIK CHEAH POU HIAN ( JELAPANG )**

1. Pembangunan dan penggunaan tanah untuk tujuan perumahan, perindustrian dan pertanian dalam kawasan Jelapang, terutamanya di kaki Bukit Kledang Saiong, semakin meningkat dari masa ke semasa. Beberapa penggunaan tanah secara haram malah telah merosakkan alam sekitar; Antaranya, pertanian di sekeliling bukit Papan Lama semakin meningkat. Apabila hujan lebat, air berlumpur dari pergunungan menyerbu ke Kampung Baru Papan Lama menyebabkan jalan raya dipenuhi air berlumpur. Lebih-lebih lagi, banjir kilat menyebabkan orang ramai menghadapi kerugian harta benda. Oleh yang demikian, persoalan saya ialah:-

a) Adakah bahagian penguatkuasa Jabatan Alam Sekitar melaksanakan Seksyen 34A Akta Kualiti Alam Sekeliling 1974 dengan tegas dalam memantau dan memeriksa semua pembangunan tersebut?

b) Apakah kekerapan tindakan penguatkuasaan dan telah berapa kalikah operasi penangkapan dilancarkan setakat ini sejak Julai 2018.

**25. YB ENCIK CHOONG SHIN HENG ( CHENDERIANG )**

Isu kacauganggu haiwan ternakan binatang lembu dan kerbau berkeliaran di kawasan perumahan Kg Baru Chenderiang, Kg Sg Lah dan Kg Lubuk Mas.

- a) Berdasarkan jawapan yang diberi oleh Kerajaan pada Sidang Dewan Negeri lepas, mengikut perundangan dan peraturan sedia ada, orang awam dibenarkan untuk menangkap mana-mana binatang ternakan yang merayau di atas kawasan awam ataupun di atas tanah persendirian. Namun tindakan menangkap haiwan berkeliaran ini sangat berisiko dan memerlukan kemahiran serta peralatan yang khusus. Orang awam dinasihati tidak membuat tangkapan secara sendiri bagi mengelakkan sebarang kejadian yang tidak diingini berlaku. Apakah langkah-langkah yang akan diambil oleh Kerajaan untuk mengatasi masalah ini?
- b) Adakah satu perundangan yang komprehensif dapat digubal dan dikuatkuasakan oleh Kerajaan agar masalah ini dapat diselesaikan?

**26. YB DATO' SHAHRUL ZAMAN BIN YAHYA ( RUNGKUP )**

Disember 2023, masih lagi berlaku Fenomena Banjir Termenung di kawasan DUN Rungkup. Perkara ini amat meresahkan khususnya rakyat di DUN Rungkup. Dalam soalan lisan saya, pada Sidang Dewan 20hb Disember 2022, dimaklumkan akan ada Projek Tebatan Banjir (RTB) Bagan Datuk di pekan Bagan Datuk bakal dilaksanakan menjelang tahun 2023 bagi mengatasi masalah banjir termenung ini sebagai langkah penyelesaian jangka masa panjang.

- a. Apakah status Projek Tebatan Banjir di Bagan Datuk tersebut?
- b. Berapakah peruntukan yang disediakan untuk Projek tersebut bagi mengatasi masalah fenomena banjir termenung ini?

**27. YB TUAN HAJI RAZMAN BIN ZAKARIA ( GUNONG SEMANGGOL )**

Fenomena El Nino dan Keterjaminan Makanan

Mohon nyatakan apakah langkah kerajaan bagi mendepani sebarang cabaran daripada fenomena perubahan iklim seperti El Nino dan kemarau yang dijangka oleh pihak NAHRIM pada tahun 2025 dengan memastikan penduduk negeri Perak mendapat akses bekalan makanan asasi yang mencukupi sepanjang tahun dan tidak terkesan dengan situasi 'gangguan rantaian bekalan makanan' global?

**28. YB ENCIK AZMAN BIN NOH ( PENGKALAN BAHARU )**

Sebarang urusan yang berkaitan dan melibatkan tanah kebiasaanya mengambil masa yang panjang atau lama utk mendapatkan kelulusan atau jawapan. Semua nya ini saya perhatikan mungkin di sebab kan kekurangan kakitangan di beberapa unit yang terbabit.

Soalan saya,

1. Adakah bilangan kakitangan kerajaan yang bertugas di pejabat tanah mencukupi memandangkan bebanan tugas yang semakin banyak akhir akhir ini?
2. Bagaimana dengan kekosongan jawatan yang tidak di isi memandangkan beban tugas mereka yang makin mencabar sejak akhir akhir ini?

**29. YB ENCIK CHAW KAM FOON ( MENGLEMBU )**

TVET

- a) Apakah usaha dan perbelanjaan Kerajaan Negeri terkini untuk pembangunan TVET?
- b) Berapakah individu yang menerima pendidikan TVET melalui usaha ini setiap tahun untuk 5 tahun yang lepas?

**30. YB PUAN WONG MAY ING ( PANTAI REMIS )**

Apakah status prestasi terkini GLC Negeri Perak dan strategi bagi mendepani cabaran ekosistem perniagaan masing-masing?